

Вход 17.11.2024

**Тропарь глас 4:**

Свѣтлую воскресѣния проповедь/ от Ангела увѣдеша Господни ученицы/ и прадеднее осуждѣние отвѣргша,/ апостолом хвалящаяся глаголаху:/ испровержесе смѣрть,/ воскресе Христос Бог, // даруяй мiрови велию милость.

**Тропарь глас 4:**

Правило веры и образ кротости,/ воздержания учителя/ яви ты стаду твоему/ Яже вещей Истина./ Сего ради стяжал еси смирением высокая,/ нищетою богатая,/ отче священноначальниче Николае,/ моли Христа Бога, // спасиша душам нашим.

**Тропарь глас 8:**

Слез твоих теченьми пустыни бесплодное возделал еси,/ и иже из глубины въздыханьи во сто трудов у плодоносил еси,/ и был еси светильник вселенной,/ сияя чудесы, Иоанникие отче наш: // моли Христа Бога, спасиша душам нашим.

**Тропарь глас 4:**

Мученик Твой, Господи, Никандр/ во страдании своем венец прият нетленный от Тебе, Бога нашего:/ имеяй бо крепость Твою,/ мучителей низложи,/ сокруши и демонов немощныя дерзости./ Того молитвами // спаси души наша.

**Кондак, глас 4:**

Спас и Избавитель мой/ из гроба, яко Бог,/ воскреси от уз земнородныя,/ и врата ада сокруши, // и яко Владыка воскресе тридневен.

**Кондак, глас 3:**

В Мирех, святе, священнодействитель показался еси,/ Христово бо, преподобне, Евангелие исполнив,/ положил еси душу твою о людех твоих/ и спас еси неповинныя от смерти./ Сего ради освятился еси, // яко великий таинник Божия благодати.

**Слава ....**

**Кондак, глас 8:**

Звезда явился еси всесветлая, в мире просвещаяй,/ и сущия во мраце страстей облиставаяй:/ врач же крепчайший явился еси,/ но яко приял еси благодать исцелений,/ просящим тя подаждь исцеление, да зовем:/ радуйся, отче Иоанникие.

**и ныне ....**

**Кондак, глас 6:**

Предстательство христиан непостыдное, / ходатайство ко Творцу непреложное, / не презри грешных молений гласы, / но предвари, яко Благая, на помощь нас, верно зовущих Ти: / ускори на молитву и потщися на умоление, / предстательствующи присно, Богородице, чтущих Тя.

---

**Прокимен, глас 4:** Яко возвеличишася дела Твоя, Господи, / вся премудростию сотворил еси.

**Ин Прокимен, глас 7:** Честна пред Господем / смерть преподобных Его.

**Причастен:** Хвалите Господа с небес, хвалите Его в вышних. Аллилуиа, аллилуиа, аллилуиа.

**Ин Причастен:** В память вечную будет праведник, от слуха зла не убоится.